



Հաստատում եմ՝  
Հյուսիսային համալսարանի  
ռեկտոր՝ Բ. Մակիջյան  
Փետրվարի 2016 թ.

Հաստատված է  
Հյուսիսային համալսարանի  
գիտական խորհրդի 2016 թվականի  
հոկտեմբերի « 21 » -ի որոշմամբ (արձ. №. 18 )

## ԿԱՆՈՆԱԿԱՐԳ ՀՅՈՒՍԻՍԱՅԻՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ

1. Հյուսիսային համալսարանի գիտական խորհուրդը (այսուհետ՝ գիտական խորհուրդ) համալսարանի ուսումնամեթոդական, գիտահետազոտական և գիտատեխնիկական գործունեությունը պլանավորող, համակարգող և կարգավորող կոլեգիալ մարմին է:
2. Գիտական խորհուրդը գործում է ռեկտորի նախագահությամբ: Գիտական խորհրդի լիազորությունների ժամկետը 3 տարի է: Գիտական խորհրդի նիստերը գումարվում են ուսումնական տարվա ընթացքում առնվազն 4 անգամ:
3. Գիտական խորհուրդը ձևավորվում է համալսարանի պրոֆեսորադասախոսական կազմի, սովորողների (ուսանողներ, ասպիրանտներ) և մասնակիցների ներկայացուցիչներից:
4. Գիտական խորհրդի կազմում ի պաշտոնե ընդգրկվում են ռեկտորը, պրոռեկտորները, գիտական քարտուղարը, մասնաճյուղերի, դեպարտամենտների, ֆակուլտետների ղեկավարները, ռեկտորի նշանակմամբ՝ այլ կառուցվածքային ստորաբաժանումների ղեկավարներ, ինչպես նաև ընտրովի անդամներ՝ գիտական խորհրդի կանոնակարգին համապատասխան: Գիտական խորհրդի անդամների թվի 25 տոկոսը սովորողներ են, որոնց առաջադրում է համալսարանի ուսանողական խորհուրդը:
5. Համալսարանի գիտական խորհրդի նիստը համարվում է իրավագոր, եթե դրան մասնակցում է նրա անդամների կեսից ավելին (50% +1), իսկ որոշումներն ընդունվում են խորհրդի անդամների ձայների պարզ մեծամասնությամբ՝ բացի գիտական կոչումների շնորհման մասին հարցերից, որոնք քննարկվում են խորհրդի անդամների առնվազն 2/3-ի մասնակցությամբ, իսկ որոշումներն ընդունվում են փակ գաղտնի քվեարկությամբ:
6. Գիտական խորհրդի արտահերթ նիստերը կարող են հրավիրվել նախագահի առաջարկով, ինչպես նաև գիտական խորհրդի անդամների 1/3 պահանջով:
7. Գիտական խորհրդի կազմը հաստատում է ռեկտորը:
8. Գիտական խորհուրդը՝
  - 1) հաստատում է իր կանոնակարգը.
  - 2) քննարկում և հաստատում է կրթական ծրագրերը.
  - 3) քննարկում է ուսումնական պրոցեսի կազմակերպման բարելավման և նրա արդյունավետության բարձրացման հետ կապված կարևոր հարցեր.

- 4) քննության է առնում և հաստատում համալսարանի հեռանկարային զարգացման պլանները.
- 5) հաստատում է համալսարանի կառուցվածքային ստորաբաժանումների կանոնադրությունները (այդ թվում օրինակելի), ինչպես նաև համալսարանի ուսումնական գործընթացը կանոնակարգող այլ ներքին իրավական փաստաթղթեր.
- 6) հաստատում է ֆակուլտետների ղեկանների, ամբիոնների վարիչների և պրոֆեսորադասախոսական անձնակազմի ընտրությունների ընթացակարգերը.
- 7) ռեկտորի ներկայացմամբ՝ որոշում է օրենքով սահմանված կարգով համալսարանում ստեղծել նոր ֆակուլտետներ, ամբիոններ, գիտահետազոտական ինստիտուտներ, կենտրոններ, քոլեջներ, ավագ դպրոցներ և այլ կառուցվածքային ստորաբաժանումներ, ինչպես նաև վերակազմակերպել կամ լուծարել դրանք:
- 8) սահմանված կարգով ընտրում է ֆակուլտետների ղեկաններին և ամբիոնների վարիչներին.
- 9) քննության է առնում և հաստատում ուսումնական, գիտահետազոտական և գաղափարադաստիարակչական աշխատանքի ընթացիկ և հեռանկարային պլանները.
- 10) միջոցառումներ է մշակում ուսանողների ֆիզիկական դաստիարակության և նրանց առողջության բարելավման ուղղությամբ.
- 11) քննարկում է ուսումնական աշխատանքի, ուսանողների ուսումնական, արտադրական, եզրափակիչ պրակտիկայի արդյունքները և առաջարկություններ է մշակում դրանց բարելավման ուղղությամբ.
- 12) ռեկտորի ներկայացմամբ հաստատում է ուսման վարձի չափը.
- 13) մշակում ու իրականացնում է միջոցառումներ՝ ուղղված համալսարանի ուսումնականության բազայի ամրապնդմանն ու զարգացմանը.
- 14) լսում է ֆակուլտետների, ամբիոնների և համալսարանական մյուս ստորաբաժանումների ղեկավարների հաղորդումներ ու հաշվետվություններ ուսումնական և գաղափարադաստիարակչական աշխատանքների վիճակը և դրանց բարելավման միջոցառումների մասին.
- 15) քննարկում է համալսարանի գիտահետազոտական աշխատանքների, նորարարական ծրագրերի և հետբուհական մասնագիտական կրթության կենտրոնի ղեկավարի և ամբիոնների վարիչների հաղորդումները բուհում իրականացվող գիտահետազոտական և գիտամեթոդական աշխատանքների արդյունքների մասին.
- 16) լսում է ֆակուլտետների ղեկանների և համալսարանի շրջանավարտների և կարիերայի կենտրոնի ղեկավարի հաղորդումները շրջանավարտների հետ կապերի մասին և միջոցառումներ է մշակում մասնագետների պատրաստման գործի հետագա բարելավման ուղղությամբ.
- 17) քննարկում և հրատարակության է երաշխավորում մենագրություններ, դասագրքեր, ուսումնական ձեռնարկներ, ժողովածուներ և այլ նյութեր.
- 18) շնորհում է պրոֆեսորի և դոցենտի գիտական կոչումներ և ներկայացնում է Հայաստանի Հանրապետության բարձրագույն որակավորման հանձնաժողովի հաստատմանը, ընդունում է պատվավոր կոչումներ, «Համալսարանի լավագույն բարեկամ» կոչում շնորհելու, մրցանակներ, անվանական կրթաթոշակներ սահմանելու, համալսարանի հուշամեդալով պարգևատրելու մասին որոշումներ.
- 19) իրականացնում է Հայաստանի Հանրապետության օրենսդրությամբ, միջազգային պայմանագրերով, սույն կանոնադրությամբ և համալսարանի ներքին այլ կանոնակարգերով սահմանված ուրիշ լիազորություններ. ❁

9. Համալսարանի գիտական խորհուրդը ունի գիտական քարտուղար, որն ընտրվում է գիտական խորհրդի կողմից:

10. Գիտական խորհրդի նիստերն արձանագրվում են գիտական քարտուղարի կողմից:

11. Գիտական խորհրդի նիստերի արձանագրություններն ստորագրում են գիտական խորհրդի նախագահը և գիտական քարտուղարը:

Հյուսիսային համալսարանի  
գիտական հետազոտությունների, տրաքարական ծրագրերի  
և հետքուհական մասնագիտական կրթության կենտրոն



«21» սեպտեմբերի 2016թ.